

Uunga siunnersuut: Illulortiternernut aningaasalersuineq pillugu Inatsisartut peqqussutaat nr. x, xx 2007-imeersoq

Inissaqartitsineq, inissaqarnermut ikiorsiissuteqartarnek, inigisanik attartortitsisarnek il. il. pillugit Kalaallit Nunaannut inatsimmi nr. 944-mi decembarip 23-anni 1986-imeersumi § 1 malillugu makku aalajangersarneqarput:

Kapitali 1
Atuuffissat

§ 1. Peqqussut manna makkununga atorpeqassaaq:

1) Inissianut nutaanut aningaasalersuinissanut taarsigassarsititsinerlut, tak. kapitali 2.

2) Inunnut, inissiamik pioreersunik pigisaqartunut najugaqartunullu, inissiap iluarsanneqarnissanut, pitsanngorsarneqarnissanut allilerneqarnissanullu aningaasalersuinissamut taarsigassarsititsinerlut, tak. kapitali 3.

Imm. 2. Inissianut inuussutissarsiutinik ingerlataqarfigneqartussanut imaluunniit ingerlataqarfiusunut kapitali 2 aamma 3 naapertorlugit taarsigassarsititsisoqarsinnaangilaq. Taamaattorli inuussutissarsiutit annikinnerusut namminersorfiusut tassani pineqangillat.

§ 2. Sanaartornernut taamaallaat taarsigassarsititsisoqarsinnaavoq, inissiap sananeqarnerata, iluarsanneqarnerata, pitsanngorsarneqarnerata imaluunniit allilerneqarnerata nalaani sanaartornerni pilersaarusiornernilu inatsisit atuuttut eqqortinneqarpata.

§ 3. Sanaartornernut taamaallaat taarsigassarsititsisoqarsinnaavoq, neriorsuummik tunniussisoqanginnerani sanaartugassanut isumaqatigiissummik atuuttussamik isumaqatigiissusiortoqarsimanngippat imaluunniit sanaartugassanik aallartitsisoqarsimanngippat.

Kapitali 2
Nutaanik illulortiternernut aningaasalersuinerit

§ 4. Inissianik nutaanik aningaasalersuinerlut sanaartukkanut ataasiakkaanut aningaasartuutit tamarmiusut 20 %-iini Naalakkersuisut kommunalbestyrelsillu taarsigassarsititsisinnaapput.

Imm. 2. Naalakkersuisut kommunalbestyrelsillu imm. 1 naapertorlugu

taarsigassarsiarititaat inissiamut annerpaamik 110 kvadratmeterimut annertussilerneqassapput, tamatumani inissiaq annertunerugaluarpalluunniit.

Imm. 3. Imm. 1 naapertorlugu Naalakkersuisut kommunalbestyrelsillu taarsigassarsiarititaat imatut ilusilerneqassapput:

1) 65 kvadratmeterinut siullernut sanaartornermut aningaasartuutinit tamakkiisunit annerpaamik kvadratmeterimut 15.500 koruunit taarsigassarsiaritinneqassapput, tamatumani kvadratmeterimut akiusoq annertunerugaluarpalluunniit.

2) 66 kvadratmeterimiit 110 kvadratmeterimut sanaartornermut aningaasartuutinit tamakkiisunit annerpaamik kvadratmeterimut 10.250 koruunit taarsigassarsiaritinneqassapput, tamatumani kvadratmeterimut akiusoq annertunerugaluarpalluunniit.

Imm. 4. Imm. 1 naapertorlugu aatsaat taarsigassarsititsisoqarsinnaavoq, taarsigassarsisup sanaartornermut aningaasartuutinit tamakkiisunit sinneruttut nammineerluni aningaasalersussappagit.

§ 5. Inissiap annertussusaa inissiami init tamarmik annertussusaattut naatsorsorneqassaaq, tak. imm. 2. Pequsiviit, quit, biilinit oqquisitsiviit, aneerasaartarfiit biililluunniit unittarfii qulisat, illup silammut iigaasa avataanniittut imaluunniit inissiamit immikkoortillugit inissitat naatsorsuinermi ilanngunneqassanngillat, taakku oqorsarlugit inigisassatut atorineqassanngippata.

Imm. 2. Inissiap annertussusaa imatut naatsorsorneqassaaq:

1) Naqqup ataani inissiap annertussusaa naqqup ataata silammut iigaaniit illup takissusaanut silissusaanullu amerlisitsilluni naatsorsuinikkut uuttorneqassaaq. Naqqup ataa tamakkerluni atorineqanngippat, inissiap annertussusaa illup iluani iikkat ininik immikkoortitsissutaasut qeqqanniit uuttuisoqassaaq. Init naqqi tamakkerlutik cementimik betonimilluunniit qallerneqanngippata, taakku uuttortaanerme ilanngunneqassanngillat.

2) Inissiap quleriinnerani init quleriinni nalinginnaasumiittut inissiami ataatsimi silami iikkamiit imaluunniit qaliata silataani iikkamiit, tak. nr. 3, aamma inissiap avinnerata qeqqaniit annertussuseq uuttortarneqassaaq. Ilaqutariinnut arlalinnut inissiaruarni uuttortaanerme illup isua iikkatut inissianut immikkoortitsissutaasut affartut nalilerneqartarpoq. Qisuit qalliutaasut marluuppata, ataatsip uuttornerani qisuup alliup silataaniit uuttuisoqassaaq.

3) Qaliani inissiap annertussusaata naatsorsornerani, illup takissusaanut silissusaanullu amerlisitsilluni naatsorsuinikkut uuttuisoqassaaq. Takissuseq inissiap quleriivini nalinginnaasuni uuttuisarnertut uuttorneqassaaq, silissuserlu silami qaliat qalliutaasa qaliap naqqaniit 1,5 meterinik portussuseqartut akornanni uuttorneqassalluni. Ilassutit, soorlu aniingarnit iikkat inimut killiliissutaasut silataanniit uuttorneqassapput.

Imm. 3. Naqqup ataani qalianilu init imm. 2, nr. 1-imi aamma 3-mi taaneqartut aatsaat najugassatut ilusilersorneqarsimappata, init annertussusaat uuttortaanerme ilanngunneqassapput.

Imm. 4. Init aalaakkaasunik nateqanngitsut uuttortaanerme ilanngunneqassanngillat, taamaattorli tak. imm. 5.

Imm. 5. Inissiami majuartarfiit annertussutsimik uuttortaanerme inini quleriinni atorineqarfigisaminni ilanngunneqassapput. Isertarfiit, majuartarfiit majuartarfiillu sangoriaat ataatsimut atorineqartut, illup silammut iigaasa iluini inini kiassakkani

inissisimasut angissusaannut naapertuuttumik uuttortaanermut ilanngunneqassapput, taamaattorli annerpaamik 11 kvadratmeterinik annertussusilerneqassallutik.

§ 6. Inissiap kvadratmeterimut akia agguaqatigiisitseriaaseq tunngavigalugu naatsorsorneqassaaq, tassani inissiap sananeqarneranut aningaasartuutissat tamakkiisut inissiat annertussusaannut tamakkiisumut agguarneqassalluni, tak. § 5.

Imm. 2. Taarsigassarsinissamik qinnuteqartup sanaartornermut aningaasartuutissat tamakkerlugit naatsorsussavai, taakkulu ilaatigut tassaapput pilersaarusiornermut aningaasartuutit, sanasunut aningaasartuutit, sanaartornissamut taarsigassarsinermut ernialiusat, sanaartorfissami sanaartorfissagissaaneq, sanaartornermik aqutsineq, qularnaveeqqusiussaqarluni taarsigassarsinermut allagartap suliarineqarnera nalunaarsorneqarneralu kiisalu naqissusiinermut akitsuutit.

Imm. 3. Taarsigassarsinissamik qinnuteqartup sulinerata nalinga sanaartornermut aningaasartuutit tamakkiisut naatsorsornerinut ilanngunneqassanngilaq.

§ 7. § 4, imm. 1 naapertorlugu taarsigassarsiat inissiat naammassinerini akilernerneqassapput, tamannalu taamaallaat atuilernissamut akuersissummik, sanaartornermi naatsorsuutinik inaarutaasunik, qularnaveeqqusiussaqarluni taarsigassarsinermi allagartap uparuagassartaqanngitsup naqeqqaarneranik nalunaarsorsimasumik naqissusersimasumillu, kiisalu qularveeqqusiiffigisap nalunaarutaata naqeqqaarneranik takutitsinikkut pissaaq. Taamaattorli Naalackersuisut taarsigassarsiarititassaat siusinnerpaamik ukiumi, taarsigassarsinissamut aningaasaliissutit Inatsisartut aningaasaqarnermut inatsisaannut ilanngunneqarfiini tunniunneqarsinnaapput, kiisalu kommunalbestyrelsip taarsigassarsiarititassaat siusinnerpaamik ukiumi, aningaasaliissutit missingersuutinut kommunalbestyrelsip akuerisaannut ilanngunneqarfiini tunniunneqarsinnaallutik.

Imm. 2. Taarsigassarsianut inissiaq qularnaveeqqusiunneqassaaq. Taarsigassarsiani taarsigassarsiat inissiaq qularnaveeqqusiullugu taarsigassarsiaritinneqartut tulleriiaarnermi ataqqineqassapput, tak. § 4, imm. 4.

Imm. 3. § 4, imm. 1 naapertorlugu taarsigassarsiat ulloq atuilernissamut akuersissummik tunniussivik aallarnerfigalugu ukiuni 20-ni erniaqaratillu taarsersugassaassanngillat, tamatumalu kingorna Nationalbankip erniaritittagai procentinik pingasunik ilallugit erniaqartinneqarlutik amerlaqatigiinnik annertussusilerlugit ukiuni 15-ini akilersugassanngussallutik.

Imm. 4. § 4, imm. 1 naapertorlugu taarsigassarsiat akilersornissaannut akiligassallu akilernerqartarnissaannut maleruagassanik aalajangersaasinnaapput.

§ 8. § 4, imm. 1 naapertorlugu taarsigassarsiarititat piginnittut nikinneranni akiligassanngortinneqassanngillat. Piginnittunik nikittoqarneri tamaasa Naalackersuisut kommunalbestyrelsilu ilisimatinneqartassapput.

Imm. 2. Piginnittut nikinneranni § 4, imm. 1 naapertorlugu Naalackersuisunit kommunalbestyrelsimillu taarsigassarsiarititat, annerpaamik pisinermi akiusup 90 procentianik annertussuseqartut, aammalu taarsigassarsiat § 4, imm. 1 naapertorlugu taarsigassarsiarititaasut aningaasartaannik ilanngaaserneqarsimasut salliutinneqassapput.

§ 9. Naalakkersuisut kommunalbestyrelsillu taarsigassarsiarititaat akiligassannortinneqassapput:

- 1) Taarsigassarsianut ernialiuussat akilersuutillu akilerneqanngippata, aammalu taarsigassarsisimasoq illuummik aalaakkaasumik qularnaveeqqusiussaqaarluni taarsigassarsinermut allagartami ernianik akilersuutinillu akilersuisarnermut maleruagassat naapertorlugit piffissap akiliiffissap qaangiunnerani akiliisimanngippat, tak. Kalaallit Nunaanni qularnaveeqqusiussaqaarluni taarsigassarsisarneq pillugu Inatsisartut peqqussutaat.
- 2) Taarsigassarsisimasup inissiaq illersorsinnaasumik aserfallatsaalisimanngippagu, taamaalillunilu Naalakkersuisut kommunalbestyrelsilu qularnaveeqqusiissutikkut qulakkeeriffiqineqarnerat nalikinnerulersoq paasineqarpat, tak. § 16, imm. 1.
- 3) Taarsigassarsisimasup inissiaq ikuallattoornissamut anorersuarneranilu ajoqusernissamut sillimmasersimanngippagu, tak. § 17.
- 4) Taarsigassarsisimasup inissiaq inissianik attartortitsisarneq pillugu Inatsisartut peqqussutaanni attartortitsinermut aalajangersakkani aalajangersarneqartut uniorlugit attartortippagu.
- 5) Inissiami ininik inuussutissarsiorfiusunik pilersitsisoqarsimappat imaluunniit inissiamiit inuussutissarsiornermik ingerlatsisoqarpat. Taamaattorli tassani inuussutissarsiornerit annikinnerusut namminersorfiusut pineqanngillat.

Kapitali 3

Inissianik pioreersunik iluarsaassineq, pitsanngorsaaneq alliliinerlu

§ 10. Naalakkersuisut inissianik pioreersunik iluarsaassinermut, pitsanngorsaanerlut alliliinermullu tamatumunnga aningaasartuutit tamakkiisut 40%-iinik taarsigassarsititsisinnaapput.

Imm. 2. Taarsigassarsinissamik qinnuteqartup iluarsaassinissamut, pitsanngorsaanissamut alliliinissamullu aningaasartuutissat tamakkiisut naatsorsussavai, taakkununnga ilaatigut pilersaarusiornermut aningaasartuutit, sanasunut aningaasartuutit, sanaartornermut taarsigassarsianut erniarititat, sanaartornermik aqutsineq, qularnaveeqqusiussaqaarluni taarsigassarsinermut allagartap suliarineqarnera nalunaarsorneqarneralu, kiisalu naqissusiinermut akitsuutit ilaatinneqassapput.

Imm. 3. Taarsigassarsinissamik qinnuteqartup sulinerata nalinga sanaartornermut aningaasartuutit tamakkiisut naatsorsornerinut ilanngunneqassanngilaq, tak. imm. 2.

§ 11. Iluarsaassinissamut pitsanngorsaanissamullu taamaallaat taarsigassarsititsisoqarsinnaavoq, illunik piffissami qinnuteqarfiusumi sananeqarnerminni ukiut 20-it inorlugit pisoqaassuseqartunik, aammalu 95 kvadratmeterit sinnernagit annertussuseqartunik piginnittunut.

Imm. 2. Iluarsaassinermi pitsanngorsaanermilu pineqartut tassaasinnaapput illup qallersuutai, igalaat matullu silarliit, qaliat, innaallagissamik pilersuinermi atortut, kuuffiit, isaarissat, naqitsineq iluaqutigalugu imermut kuuffiit assigisaallu. Iluarsaassinermut pitsanngorsaanernullu inuulluataarniutitut taaneqarsinnaasunut taarsigassarsititsisoqarsinnaanngilaq.

§ 12. Alliliinernut taamaallaat taarsigassarsisitsisoqarsinnaavoq, inissianik piffissami qinnuteqarfiusumi sananeqarnerminni ukiut 20-it inorlugit pisoqaassuseqartunik, aammalu 95 kvadratmeterit sinnernagit annertussuseqartunik piginnittunut. Inissianut allilerneqarnermik kingorna 110 kvadratmeterit sinnerlugit angissuseqalersussanut alliliinissamut taarsigassarsisitsisoqarsinnaangilaq.

§ 13. § 10, imm. 1 naapertorlugu taarsigassarsiaritinneqartut annerpaamik 283.500 koruuninik annertussuseqarsinnaapput.

Imm. 2. § 10, imm. 1 naapertorlugu taamaallaat taarsigassarsisitsisoqarsinnaavoq, taarsigassarsiallip nammineerluni iluarsaassinermut, pitsanngorsaannermut alliliinermullu aningaasartuutinit tamakkiisunit sinneruttut aningaasalersorsinnaappagit.

Imm. 3. § 10, imm. 1 naapertorlugu taarsigassarsiarititat inissiaq qularnaveeqqusiullugu taarsigassarsiatut erniaqanngitsutut akilersugassaangitsutullu tunniunneqassapput.

Imm. 4. Naalackersuisut taarsigassarsiarititaa piginnittut nikinneranni akiligassanngortinneqassapput, tamatumani taarsigassarsisimasup aamma taarsigassarsisimasup aappaata akornanni piginnittut nikinnerat pineqanngippat, imaluunniit taarsigassarsisimasoq allamik aalajangigaqanngippat.

Imm. 5. Inissiamut ataatsimut taarsigassarsiarititat ataasiinnaat tunniunneqarsinnaapput, tak. § 10, imm. 1.

§ 14. § 10, imm. 1 naapertorlugu taarsigassarsiarititat iluarsaassineq, pitsanngorsaaneq alliliinerluunniit naammassippat tunniunneqassapput, tamannalu taamaallaat sanaartornermi naatsorsuutunik uppersarsagaasunik, qularnaveeqqusiussaqarluni taarsigassarsinermi allagartap uparuagassartaqanngitsup naqeqqaarneranik nalunaarsorsimasumik naqissusersimasumillu, kiisalu qularveeqqusiiffigisap nalunaarutaata naqeqqaarneranik takutitsinikkut pissaaq. Taamaattorli taarsigassarsiarititassat siusinnerpaamik ukiumi, taarsigassarsinissamut aningaasaliissutit Inatsisartut aningaasaqarnermut inatsisaannut ilanngunneqarfiini tunniunneqarsinnaapput

Imm. 2. Alliliinerni taarsigassarsiarititassat akilerneqarnissaannut aamma atuilernissamut akuersissutip takutinneqarnissaa piumasarineqarpoq.

§ 15. Naalackersuisut taarsigassarsiarititaa akiligassanngortinneqassapput:

1) Taarsigassarsisimasup inissiaq illersorsinnaasumik aserfallatsaalismanngippagu, taamaalillunilu Naalackersuisut qularnaveeqqusiissutikkut qulakkeeriffigineqarnerat nalikinnerulersoq paasineqarpat, tak. § 16, imm. 1.

2) Taarsigassarsisimasup inissiaq ikuallattoornissamut anorersuarneranilu ajoqusernissamut sillimmasersimanngippagu, tak. § 17.

3) Taarsigassarsisimasup inissiaq inissianik attartortitsisarneq pillugu Inatsisartut peqqussutaanni aningasartuutit tunngavigalugit attartortitsinermut aalajangersakkani aalajangersarneqartut uniorlugit attartortippagu.

4) Inissiami ininik inuussutissarsiorfiusunik pilersitsisoqarsimappat imaluunniit inissiamiit inuussutissarsiornermik ingerlatsisoqarpat. Taamaattorli tassani inuussutissarsiornerit annikinnerusut namminersorfiusut pineqanngillat.

5) Taarsigassarsisimasup inissiaq qimappagu.

Kapitali 4

Aserfallatsaaliuineq, allanngortiterinerit sillimmasiisarnerlu

§ 16. Inissiaq § 4, imm. 1 aamma § 10, imm. 1 naapertorlugu taarsigassarsititsiviusoq illersorsinnaasumik aserfallatsaalineqassaaq. Aserfallatsaaliuinerit aningaasartuutit piginnittup akiligassarai.
Imm. 2. Piginnittoq illumi silataani iluanilu allanngortiterisinnaatitaavoq. Allanngortiterinerit assassorluni suliaasanut illersorneqarsinnaasumik paasisimasalinnit aammalu sanaartornermut inatsimmi il. il. piumasarineqartut naapertorlugit taamalu Naalackersuisut kommunalbestyrelsillu qularnaveeqqusiissutaanik nalikinnerulersitsiviunngitsumik suliarineqassapput.

§ 17. Inissiat taarsigassarsititsiviusut minnerpaamik ikuallattoornissamut anorersuarneranilu ajoqusernissamut sillimmaserneqarsimassapput.

Kapitali 5

Taarsigassarsinissamik qinnuteqaatinik il.il. aqutsineq

§ 18. Inatsisartut peqqussutaat manna naapertorlugu suliarinninnermut aningaasartuutitut matusissutissatut akitsuummik, § 4, imm. 1, § 10, imm. 1 aamma § 22. imm. 2 naapertorlugit pisortanit taarsigassarsiaritanut tamakkiisunut inaarutaasumik inerniliussat 0,5 procentiinik annertussuseqartumik akiligassanngortitsisoqassaaq.

Imm. 2. Piffissami taarsigassarsisup taarsigassarsiat akileqqullugit taarsigassarsititsisumut qinnuteqarfigisaata nalaani taarsigassarsisup akitsuut taarsigassarsititsisumut akilissavaa.

§ 19. Naalackersuisut kommunalbestyrelsilu tamarmik immikkut qularnaveeqqusiussaqaarluni taarsigassarsinermut allagartap atsiornernerit, tassunga ilanngullugu § 8, imm. 1 naapertorlugu piginnittut nikinnerannut, taarsigassarsisup taarsigassarsiaminik allanngortitsineranut, kingornussassat suliarineqarnerinut aamma akiliinissamik nukingisaarinermut atsiuinerit atillugu suliarinninnermut 1.250 koruuninik akileeqqusiinnaapput.

Imm. 2. Naalackersuisut kommunalbestyrelsillu aningaaserivik ataaseq amerlanerusulluunniit qularnaveeqqusiussaqaarluni taarsigassarsinermut allagartat atsiornissaannut, kiisalu akitsuummik akiliisitsinissamut piginnaatitsissummik tunisinnaavaat.

§ 20. Inissianik nutaanik aningaasalersuutissamik taarsigassarsinissamik allakkatigut qinnuteqaatit Naalackersuisunut kommunalbestyrelsillu nassiunneqassapput.

Imm. 2. Qinnuteqaammut ilanngunneqassapput:

- 1) Pilersaarummut nassuiaat, inissiat amerlassusaannut inissiamullu ataatsimut annertussusissamut paasisutissamik imaqartinneqartoq.
- 2) Sananermi sanaartornermut aningaasartuutitut tamakkiisunut missingersuutit.

- 3) Kommunalbestyrelsimiit nunaminertamik immikkoortitsinermut imaluunniit nunaminertamat tunniunneqartumut uppersaataat.
- 4) Nammineerluni aningaasalersuutissat pissarsiarineqarsinnaanerinit uppersaataat, tak. § 4, imm. 4.
- 5) Qinnuteqartup kinaassutsiminut uppersaataa ersarissaq.
Imm. 3. Qinnuteqaatit nassiunneqartut tunngavigalugit Naalakkersuisut kommunalbestyrelsilu tamarmik immikkut qinnuteqaatigineqartut aningaasalersorneqarsinnaanersut isummissapput.

§ 21. Inissiani pioreersuni iluarsaassinissamat, pitsanngorsaanissamat alliliinissamullu allakkatigut qinnuteqaatit Naalakkersuisunut nassiunneqassapput.

Imm. 2. Qinnuteqaammut ilanngunneqassapput:

- 1) Iluarsaassinissamat, pitsanngorsaanissamat alliliinissamullu kissaatigineqartumut nassuiaat.
- 2) Inissiaq pillugu nassuiaat, tassunga ilanngullugu pisoqaassusaa, angissusaa pitsaassusaa.
- 3) Suliassamat aningaasartuutissanut tamakkiisunut missingersuusiat.
- 4) Suliassami pineqartumi nunaminertamik pisariaqartitsisoqassappat, kommunalbestyrelsimiit nunaminertamik immikkoortitsinermut imaluunniit nunaminertamat tunniunneqartumut uppersaammik pissarsisoqassaaq.
- 5) Nammineerluni aningaasalersuutissat pissarsiarineqarsinnaanerinit uppersaataat, tak. § 13, imm. 2.
- 6) Qinnuteqartup inuttut normua najugaqarnerminullu uppersaataa.
Imm. 3. Qinnuteqaatit nassiunneqartut tunngavigalugit Naalakkersuisut qinnuteqaatigineqartut aningaasalersorneqarsinnaanersut isummissapput.

§ 22. Taarsigassarsinissamik qinnuteqaat Naalakkersuisunit imaluunniit kommunalbestyrelsimiit akuerineqarpat, taarsigassarsinissamat neriorsuut suliarineqassaaq, tassanilu taarsigassarsiat annertussuserigallagassaat aammalu taarsigassarsinermut atugassarititaasut allassimassapput.

Imm. 2. Taarsigassarsiat inaarutaasumik annertussusissaat sanaartornermut naatsorsuutit inaarutaasumik akuerisat tunngavigalugit naatsorsorneqassapput.

Imm. 3. Aningaasartuutinit missingersuutit tunngavigalugit pisortat taarsigassarsiarititaannut aningaasaliissutissat allannguuteqarpata, aammalu allannguutit taarsigassarsiat inaarutaasumik annertussusissaannut sunniuteqarpata, taarsigassarsinialuni qinnuteqartup pisariaqanngitsumik kinguarsaanertaqanngitsumik tamanna Naalakkersuisunut kommunalbestyrelsimullu nalunaarutigissavaa. Tamanna pinngippat taarsigassarsiat inaarutaasumik annertussusissaat neriorsuutigineqartunit annertunerulersinneqarsinnaanngillat.

§ 23. Inissiap sananeqarnera, iluarsaanneqarnera, pitsanngorsarneqarnera allilerneqarneralu taarsigassarsinissamat neriorsuutit allakkiap suliarineqarneraniit ukiut marluk qaangiutinnginnerini aallartinneqareersimassaaq, kiisalu ukiut pingasut qaangiutinnginnerini naammassineqareersimassalluni atorneqalereersimassallunilu. Tamanna pinngippat neriorsuut siumoortumik nalunaarutigineqarani atorunnaarsinneqassaaq.

Imm. 2. Taarsigassarsisoq taarsigassarsinissamat neriorsuutit allakkiap ullormi suliarineqarfianiit ukiut marluk qaangiutinnginnerini suliaq

aallartinneqareersimanersoq aallartinneqareersimannginnersorluunniit pillugu paasisutissanik Naalakkersuisunut nassiussissaaq. Suliaq aallartinneqareersimappat, tamanna pillugu uppersarsaat, taarsigassarsisumit suliarineqartoq, aammalu nutaamik sananermi kommunimit uppersarsarneqartoq ilanngunneqassaaq.

Imm. 3. Taarsigassarsisup taarsigassarsinissamut neriorsuutitut allakkiap ullormi suliarineqarfianiit ukiut pingasut qaangiutinnginnerini atuilernermut uppersarsaatip assilinera Naalakkersuisunut nassiutissavaa.

Imm. 4. Naalakkersuisut pisuni immikkut ittuni piffissamut killissarititaasut imm. 1-imi allassimasut uniorneqarnissaannut immikkut ittumik akuersissuteqarsinnaapput.

Kapitali 6

Atulernissaanut, atorunnaarnissaanut ikaarsaarnermullu aalajangersakkat

§ 24. Peqqussut 1. juli 2007 aallarnerfigalugu atuutilerpoq.

Imm. 2. Tamatumunnga peqatigitillugu illuliortiternernut aningaasalersuineq pillugu Inatsisartut peqqussutaat nr. 4, 30. oktober 1998-imeersoq atorunnaarsinneqarpoq.

§ 25. §§ 4-mi aamma 10-mi aalajangersakkat taarsigassarsinissamik neriorsuutitut, peqqussutip atuutilinnginnerani tunniunneqarsimasunut atuutissanngilaq.

Namminersornerullutik Oqartussat, ulloq xx.xx 2007

Hans Enoksen

/

Jürgen Weyer Johansen